



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 38. Dionysius exiguus.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

deposuerat, & ubi secundum antiquam Sæculum VI.
 consuetudinem nullum antea cadaver A. C. 533.
 humatum fuerat. Ipsa obitus die Eccle-
 sia S. Fulgentii memoriam colit. Vita Mart. Rom.
 ipsius Feliciano Successori ejus inscripta, I. Jan.
 Ferrandi Diaconi S. Fulgentii Discipuli
 opus esse creditur.

§. XXXVIII.

Dionysius Exiguus.

Conjiciendi causa non deest, eidem Fe-
 liciano Dionysium Exiguum inscri-
 pisse Versionem Epistolæ Procli ad Ar-
 menos, quam ipso præcipiente transtu-
 lit, ut veram esse probaret Propositio-
 nem illam: *Unus de Trinitate passus est.*
 Præmisit Præfationem, in qua succincte *Bibl. PP.*
 ejusdem Propositionis Veritatem, & uti-
 litatem adversus Nestorianos demonstrat. *to. 3. p. 166.*
 Dionysius cognomento Exiguus, quod
 corpore parvus esset, Monachus Ecclesiæ
 Romanæ Presbyter Doctrina & Virtute
 clarissimus, quamvis esset de Gente Scy-
 tharum, Romanos tamen mores præfe-
 rebat. Linguarum Græcæ & Latinæ
 ea erat ipsi scientia, ut, cum legeret, æ-
 quali facilitate Græca Latine, & Latina
 Græce, redderet. Hinc multos ex Græ-
 co Libros vertit, atque præter alios ro-
 gatus a Stephano Episcopo Salonensi
 transtulit Codicem Canonum Ecclesia-
 sticorum, quorum equidem vetus Versio
Hist. Eccles. Tom. VII. Kk sed

Sæculum VI. sed satis obscura extabat. Cum istud
 A. C. 533. Dionysii Opus ubique magnis laudibus
 fuisse exceptum, elapsis aliquot annis a
 Juliano Presbytero Ecclesiæ Romanæ Ti-
 tuli S. Anastasiæ & S. Gelasii Papæ Di-
 scipulo rogatus omnium Pontificum E-
 pistolarum Decretalium, quotquot inve-
 nire potuit, Collectionem edidit. Hæc
 Collectio Epistolas octo Paparum, scili-
 cet, Siricii, Innocentii, Zosimi, Bonifa-
 cii, Cœlestini, Leonis, Gelasii, & Ana-
 stasii, complectitur. (*)

Dionysius Exiguus in Dialectica, A-
 rithmetica & Astronomia doctissimus,
 illius Æræ, qua hodie utimur, & annos
 ab Incarnatione Jesu Christi numeramus,
 Auctor est. Quippe cum videret Cy-
 clum Paschalem S. Cyrilli jam jam anno
 248. Diocletiani, id est, 531. Christi,
 terminari, alium annorum nonaginta
 quinque composuit, ut S. Cyrilli labo-
 rem continuaret; sed loco invisi Nomi-
 nis Diocletiani, quod S. Cyrillus pro mo-
 re illius temporis, & Regionis posuerat,
 Dionysius maluit ponere Nomen Jesu
 Christi, & annos numerare ab Ejusdem
 Incarnatione, a quo tempore ipsi visum,
 sui Cycli annum primum esse Christi 532.
 Chronologi recentioris ætatis deprehen-
 derunt,

*Ep. 4. Dion.
 ad Petron.
 ap. Petav.
 III. Doctr.
 temp. c. 2. 3.*

(*) Sequitur, Dionysium Exiguum Decreta-
 las his tempore priores non scivisse.

derunt, Dionysium errasse, estque com-
munis opinio, ipsum annis quatuor ma-
turius, quam debuisset, annum Incarna-
tionis posuisse. (*) In sacris litteris as-
sidue versatus ad omnes Quæstiones sine
mora apte respondere poterat. Nec
eum sua scientia inflabat, sed moribus
erat simplicibus & humillimis, &, quam-
vis esset eloquentissimus, pauca loque-
batur. Vitam ducebat pudicam, quam
nulla notabat singularitas, sed suis affe-
ctibus caute moderabatur. Hoc Testi-
monium Dionysio, postquam jam vitam
finitiisset, reddidit Cassiodorus, qui vivo
pluribus annis conversatus mortuum tan-
quam Sanctorum aliquem invocabat.

Sæculum VI.
A. C. 533.

Cassiod. ibid.

K k 2 §.XXXIX.

(*) Verba Fleurii sunt: Et l'opinion la plus
commune est, qu' il a prevenu de quatre ans la
veritable année de l' Incarnation. Eodem mo-
do loquitur R. P. Calmet in Hist. Univerf. Lib.
LXXV. Et qu' il a prevenu de quatre ans la
veritable Epoque de l' Incarnation du Sauveur.
Et quod annis quatuor veram Epocham Incar-
nationis Domini prævenierit. Econtra Grave-
son in Hist. Eccles. V. T. loquitur in hunc mo-
dum: *Quo fit, ut verum & proprium Natale*
Christi Domini antevertat quadriennio solido
Æram Vulgarem seu Christianam, cujus Au-
stor est Abbas Dionysius. Uter accuratius lo-
quatur Lectoris arbitrium esto.